

NOSTALGIE-PREIS

CHF 4.-



# HÄGEDÖRFER- SPÖIZ

Herausgeber: ROOT-RAT

2022

**AKTUELL**

HOCHBRISANT

**unabhängig**

SPONTAN

INFORMATIV

NEUTRAL

ZIELSICHER


Corona  
Light  
Edition



44. Ausgabe



# Nöis auts vom Dorf



Truurig isch es, zänne chönnti  
Weder söll's ke Fasnacht gäh  
Blöde hure Corona-Chäfer  
Musch üs das wörklech näh?

So fot das Johr ned sehr guet a  
D'Narre choi ned omelache  
S'git au kei Schnetzubänk  
Wo döi e Rückbleck mache

Drbi het s'Läbe geschpöüt  
Es gäb sehr vöu z'verzöue  
Aber nei, kei Beizefasnacht  
Obwohl das alli wöue

Johrring het's ganz nöi-i gäh  
Scho d'Verteilig esch es Fescht  
Der Hans het's weder einisch geschafft  
Sigrischt Du besch dr Besch

Am Bahnhof het's ä Kamera  
Damet kei Lömmü duet überborde  
E Rieseerfolg esch das gsi  
Dr Bahnhof esch ned gstohle worde

Es het's de ou no Wahle gäh  
Parti-Farbe si jetzt Trompf  
Ond wo d'Zättle zöüt se gsi  
Do hockt im Rot e nöie Schlumpf

E riese Bauschtöu mets im Dorf  
Dr Cholersbach esch nöi zuedeckt  
Damit ou d'Fisch das chöi gseh  
Es Feischer dr Kanton usgheckt

Jetzt chame undeufe gogge  
Ond gseht die vele Bei  
Und wenn's de Mou e Fasnacht geht  
D'Feschli ou Konfetti hei

Parkverbot vorem Denner  
Öppe sebezäh Tafele döis eim säge  
Das shtört ned - im Gägeteil  
Grad vor der Schöud stöi jetzt die Wäge



Schlange vor dr Raiffise-Haue  
Jede wott sech Impfe loh  
Wöu ohni Stech im Ärmu  
Muesch ir Beiz de dosse stoh


Wär darf wenn i d'Halle goh  
E Hörde wo vorhär nie überwonde  
Met em Amme zwe Schtönd am Tesch  
Ond es esch e Lösig gfonde

Ir Schuel wüetet e grosse Vogu  
Es brucht scho baud e Loftabwehr  
Dr Storch chonnt fasch jede Woche  
Beby-Pouse wie Sand am Meer


Ir Schlocht do döi si schpreie  
Untaläntiert met lärem Grend  
Ou sösch ned bsonders schlau  
So fendet se dr Amme gschwend

Met Chäferfäscht de s'Johr het gändet  
Omikron duet d'Mönscheit zwöie  
S'Einezwänzgi esch vorbi  
S'duet mänge fascht befreiend fröie

Im nöie Johr wird alles besser  
Das esch wohr, es esch kei Wetz  
Wöu z'Soleur wo si döi befähle  
Het's Nadine jetzt de beschti Setz



# Proklamation ROOT XLIV und XLV Januar 2021 / 2022



Sit zwöi Jahr heisst's ar Fasnacht "Due de heime blibe"  
 Tue Zit mit Frou, Kind oder im Internet vertriebe  
 Zämekünft si a dr Fasnacht sträng verboote  
 Muesch sälber kreativ si und für Fasnachtsstimmig Sorge  
 Drum üse Redaktionstipp, tue doch wieder mol WEB-Site vo dr Hägedörfer Fasnacht bsueche  
 Statt dehei d'Fuscht im Sack mache und über Ungeimpfti z'flueche  
 Zue gä es paar Iträge chönnte e chli aktueller si  
 Aber versproche "ab nöchsch Jahr si mer wieder voll der bi !"



Uf dere Site stoht süsch Proklamation vom Roote  
 Doch dä darf sit zwöi Jahr nüm proklamiere, wöll verboote  
 Zwe anderi het i dere Zit s'Zepter übernomme  
 Am Name noch müeses zwe griechischi Brüeder si, hei mer vernomme  
 Si sind zwar i allne Medie super präsent  
 Doch e Proklamation z'schriebe hei si leider verpennt  
 Drum go uf öisi WEB-Site go i Erinnerige Schwellge, bsuech d'Ahnegalerie  
 Es paar Müschterli gsesch unde, kennsch alli (?) de bisch voll derbi  
 D'Redaktion vo dr Fasnachtszitig  
<http://www.fasnacht-haegendorf.ch>



A dim Geburi wetsch dini Gäst verwöhne lo  
 Es huusgmachts Dessert söll ufe Tisch cho  
 Bim Zuetate Mixe chunsch aber nömme drus  
 De Mixer het gar kein Pfus



Klar, wöus Stormkabel chunt no id Büchse dri  
 Bisch jo nit blöd, steckschs Kabel halt no i  
 De fangts nebe dra plötzlich afoh rattere  
 De Teig vo de Pia Ungethüm duet ir ganze Kuchi umeflattere

Alli Turner sind scho zugr deheim acho  
 Do duet doch no eini ide Halle stoh  
 De Turnsack mit de Mitgliederkarte duetsi sueche  
 I jedem Winkel luegtsi und duet flueche  
 Derbi het d'Nadine Stähler die gsuechti Täsche mitgno  
 Ond d'Tanja Geiser so, völlig verzweifl lo



E Boustell da, e Boustell dört,  
 es isch ja scho fang gstört!  
 Zersch dr Kreisu, när dr Bärg,  
 hoffentlech ischs die Warterei ou wärt!

Vo der Schlocht heizu marschieret,  
 nömme aues regischtriert,  
 vor Polizei i Schpetau versetzt,  
 heig ongerwägs der Greng verletz.  
 Lot sech vom Taxi i Tüüfu chare,  
 as er cha met em Töffli heizue fahre.  
 dr James

Liste der Vergessenheit von Ulrich Walter Ungethüm

1. Met der Familie nach Rickenbach fahre
2. Merke, dass s'Musig-Böxli no deheim in Hägedorf tuet ligge
3. Zrug uf Hägedorf das Böxli go hole
4. Zrug in Rickebach feststelle, dass s'Geld fürs Geburtstagsgschenk im Portemonnaie steckt
5. Nomol zugr uf Hägedorf fahre zum s'Geburi-Geld zhole aber dört s'Portemonnaie wieder lo ligge
6. Ufem Rückweg id Tankstell fahre zum Verpflegig kaufe
7. Merke, dass s'Portemonnaie immernoni derbi hesch
8. Twint vöre näh ond so probiere z'zahle
9. Twint wett en Code wo me denn drüü Mal falsch igibt -> Twint gsperrt
10. Entschuldige bim Kassierer und luut flueche
11. A Raiffise alüte zum entsperre, nimmt aber keine ab
12. Der Online Code funktioniert ou nit, wöus System kei nöii Versüech zueloht
13. Wieder uf Hägedorf zugr fahre ond s'Portemonnaie hole
14. Zrug a de Tankstell go zahle
15. In Rickebach acho, seit d'Frou, dass sie d'Jagge in Hägedorf vergässe het
16. D'Frou wird jetz selber gschickt zum d'Jagge hole
17. Fertig mit de Nerve




Wenn's Du chasch, chan is ou  
 Wenn's die chöi, chöi mer's ou  
 Zom Hürote bruchsch aus Maa kei Frou  
 Maa und Maa goht nöi jetz ou

Auf einmal, mitten in der Nacht  
 Das halbe Dorf genervt erwacht  
 Denn einige, die's nötig haben  
 Sich des nachts am Auto laben

Oh, du goldigs Sünneli  
 Duesch uf mis Tschäppi schiine  
 Bald duets Chöppli trotzdem weh  
 Ig ha d'Löchli im Chäppi überseh

Oh du goldigs Sünneli  
 Duesch dur mis Tschäppi schiine  
 D'Pükt uf de Glatze gsäi scheisse us  
 De Meister Päsco chunt gar nömme drus





Wie de Asterix scho im alte Rom Müehi het gha  
 Dass sini Afrog bi Beamte beantwortet werde cha  
 Ischs öisem FC in Hägedorf nit andest gange  
 So mues är sich vo Kuko zur Bauverwaltung und Gmeind hangle

Derbi würd är nur gärn en Trainingshalle reserviere  
 Übernes Johr Zit mues är für das investiere  
 D'Verantwortig wett keine so richtig überneh  
 Bis de endli de Cäsar... ähm, de Amme...  
 das ganze duet a sich näh



Im Zug acho wird d'Gruppe kontrolliert  
 1,2,3, alli wärde nomol durennummeriert  
 De schlimmst Albtraum vo jedem Leiter isch do  
 Eine fählt und isch nit im Zug acho  
 D'Männerriege isch fast komplett dört gsässe  
 Nur de Ivo de Graf het d'Gleisverschiebig vergässe

Es schneit, oh weisse Pracht  
 Es schneit bei Tag, es schneit bei Nacht  
 Allerheiligenberg meldet Piste gut  
 Was den Eingeborenen sehr locken tut

Ein Jeder will's jetzt wissen  
 Keiner mag den Schnee vermissen  
 So fahren wir, brav in Kolonne  
 Den Berg hinauf, zur Winterwonne

Alle wollen an diesen Ort  
 Zum quick-fidelen Wintersport  
 Doch, und das führt zu viel Verdruss  
 Kaum einer nutzt den schönen Bus

So kommt, was musste kommen  
 Der letzte Parkplatz längst genommen  
 Die Lösung, sie liegt nun auf der Hand  
 Man parkt ganz schlicht am Strassenrand

Doch bei dieser krassen Automasse  
 Fehlt dem Bus nun eine Gasse  
 Man ruft empört den Helfer mit der Mütze  
 Auf dass er den Verkehrsfluss schütze

Manch einer lernt es auf die teure Tour  
 Die Strasse ist zum Fahren nur  
 Der Berg hat's mit Geduld genommen  
 Dass so viele wollten kommen

Doch als der Schnee dem Frühling wich  
 Der Berg nun einer Halde glich  
 Büchsen, Plastik, gar nicht fein  
 Den Berg besuchte manches Schwein

Liebe Leut' in der Natur  
 Wünschen wir uns Luft nur pur  
 Die Wiesen grün, das Wasser klar  
 Wär' das nicht ganz wunderbar?

Drum schaut, wenn ihr mal draussen speist  
 Dass der Müll mit heimwärts reist  
 Unsere Kinder werden's danken  
 Wenn Kraft sie auf dem Berge tanken

DIE schönste Hoor, es isch e Kunscht  
 Die türschte Outo, aus wär gli Brunscht  
 Team Petrovic vertritt d'Eidgenosse  
 Ehn hei mer letscht EM gnosse  
 Met Murat glingt dli d'Sensation  
 WM Sieger met der CH Fuesballnation (oder ou net)

Deheime är het kei Liecht meh gha  
 De dueni haut schnäu e neuu Beere dra  
 Statt a dere Lampe wo nökk duet brönne  
 Är wächslet dört vos no wörd chönne  
**Flani Döck**

Statt Naare und Gugge ide Högedörfer Strosse  
 Simer letscht Johr uf anderi verkleideti gstosse  
 Orangs sind alli verkleidet gsi  
 Selbst grossi Wääge hend sie met derbi  
 Überall hend sie Strasse gsperrt  
 Ond a de Nerve vo de Autofahrer zerrt  
 Hoffentlich döi die Baustelle öis nökk lang störe  
 Dermit d'Strasse imne Johr wieder nur öis Naare tuet ghöre

Wär könnst sie nit die Wärbig im Fernseh  
 Wo wöuer en Stift am Bode duet gseh  
 Es Bild ersteigeret, wo er gar nit wett  
 Und das wöuer sin Arm zwiit ufe het  
 Öbis ähnlichs isch ou a eim passiert  
 Het es Gschänkli für sini Liebschti avisiert  
 S'Geld fürne Lego BigBen het in groue  
 Bechöme scho gnue, die cheibe Ehefroue  
 Grad bi zwe vermeintlech günschtige versteigerige macht är mit  
 Freut sech scho, eini wird i sicher gwünne, das wird sicher de Hit  
 Nur blöd het er de grad bi beidne gwunne  
 Am Yves Sommer isch jetz no meh Geld zerrunne



Ä huufe jungi Naare döi Party mache  
Me duet trinke, schwätze, tanze ond ou lache  
D'Näbelmaschine läuft uf Hochtoure  
Bis es alarmiert chas nömm lang duure

Zerst heisis fürne Soundeffekt ghalte  
Derbi het sich de Rouchmelder igschalte  
Abschalte und witer geits mit de Sause  
Scho bald gits aber die nächsti Pause

Scho wieder schloht de Rauchmelder a  
Jetzt stoht sogar d'Fürwehr vorne dra  
Als Schlumpf verkleidet duet är no diskutiere  
Aber Dummheit loht sich nit lo kaschiere

So dumm cha kei echte Schlumpf si  
Nei, das isch eine vo de Ministrante gsi  
Är het sich nur als schlaue Schlumpf wölle usgäh  
De Ramon Wick als Papa Schlumpf verkleidet hets vergäh

Sit Johre dörfe mer e dr FAZ vo ihm (ihne) Brichte  
Meischtens si das Schlüssel-Gschichte  
Au das Jahr blibt die Tradition bestoh  
Doch das Jahr gohts mou ned ums Inegoh  
Nei, das Jahr ghörsch ne dinne flueche  
Wo är dr Huusschlüssu esch am Sueche  
Är chas ned begriffe und dänkt, wott mi do eine necke  
Derbi het ne dr Grepper Peter am Briefchaschte lo stecke



Grünenabfuehr esch jo scho gli  
Drum stopft är aus e dä Container dri  
Doch findet ärs denn gar ned toll  
Das dä scho gli mou bis zum Rand esch voll  
Wöu ihn das wörkli mega stresst  
Dänkt är, jetzt wird dä Abfall presst  
Doch ned vo usse wott är komprimiere  
Drum duet das ganze au passiere  
Är stoht dri und duet wild umetanze  
Drum gheit dr Container mitem Trachsu ofe Ranze

Scho lang het mer d'ldilig vom Dorfbach söue saniere  
Wöu Dringlichkeit fährt, duet aber sit 1990 ned vöu passiere  
Plötzlich muess es de aber ganz schnäu goh  
Drum duet dr Gmeindrot e Urneabstimmig haut usseloh  
Per dringliche Nachtragskredit cha dä das Geld nämli säuber bewillige  
Wöus ned vorsehbar esch gsi, möi mer's zur Kennthris näh und billige  
Au wenn das Vorgehe vom Kariton esch absegnet gsi  
E Vororientierig für Iwohner vo Hägedorf hät doch dörfe si  
Jo klar, so oder e so hät me bim Choldersbach möesse saniere  
Nichts desto trotz, gits immer verschedeni Möglichkeit zue Orientiere  
Doch wägem Baulärm gits au ir Gartebeiz vom Bistro Problem mit Konversation  
Mr gseht, es esch allgemein es schwerigs Projekt bezüglich Kommunikation



D'Schwitzer hei vo üs de Bruch HalloWien überno ... oder so ähnelech  
E tolle Bruch cha verstohn voll und ganz...bi jo net ganz dämlech  
Ig schwöre, i Sorge derfür das bald jede Amerikaner ou singt und lacht

Mer übernahme jetz de tooli Bruch vo dene  
mit em Name Fasnacht

Computer und Spöukonsole gits sit Johre  
Wenn a dene sitzisch bestöhj nur chlini Gföhre  
Doch hüt gits virtuelli Spöu wo de zum Bewege animiere  
Wenn do ned luegsch cha au mou öppis passiere  
E dere virtuelle Realität do gsehch du Sache  
Wo nur e Bröue der döi möglich mache  
Obwohl s'ned Woher esch meinsch es sig real  
Drum wird's Ping Pong spele für se zur Qual  
Wöu se sich ofem Tisch abstützt wo esch ned do  
Duets d'Schumacher Trix grad ofe Ranze schlo





Dr Kolleg wird Vater das muesme fiire  
 Am Obe ir Schlocht met aune Kollege  
 Bes spot id Nacht werd dr Nachwuchs besoffe  
 Am Schloss dr FC-Phippu esch barfis hei zue gloffe

Roller fahre cha är guet  
 Und bewisst e grosse Muet  
 Dänkt, är cha mit auem fahre  
 Drum ghört är jetzt au zu de Narre  
 Wo einisch brucht si Roller Moscht  
 Luegt är gar ned wie vöu dä choscht  
 Es esch ihm gliich und duet voll tanke  
 Und Diesu choschtet es paar Franke  
 Jetzt fahrt är ab doch bleibt grad wede stoh  
 Si Roller duet ganz plötzlich nümeh goh  
 Wägem Diesu fahrt dä Roller nämli nöd  
 Läck Bubi Lanz das esch de blöd

In Garderobe und Dusche müssen Masken getragen werden.  
 Nach Beendigung des Trainings ist die ausgefüllte Präsenzzliste  
 in digitaler Form von der leitenden Person dem Corona-Beauftragten  
 und der Bauverwaltung zu senden.  
**Sollte keine Turnstunde statt gefunden haben,  
 wird davon ausgegangen,  
 dass keine Turnstunde statt gefunden hat.**

Nach Hochdorf in Luzern göi si mitem Chare  
 Wöu si es Konzert wei gseh, döi si dört häre fahre  
 Damit aues klappt und bis zum November nüt passiert  
 Hei si d'Billett scho lang im Vorus reserviert  
 Wo si dört si chunts ne de chli gspässig vor  
 Si stöi nämlich vor verschlossene Tor  
 Sie chöme ned drus und mache dummi Grinde  
 Doch wäg Corona duet das Konzert haut nid stattfinde  
 Scho im Oktober hei d'Organisatore die Mäldig useglo  
 Nur s'Budi und dr Peter Grepper hei das ned mitbecho

Ob Mai, Juni oder Juli gseicht hets immer  
 desto meh und umso schlemer  
 I d Schützi chasch nümeh ga parkiere  
 am beschte chunsch ohni Auto i Gummelstiefel cho spaziere  
 im Aarebistro ohni Bierli uf d Seit ga sitze  
 das gath dä Sommer guet ohni schwitze  
 keis go näh es gath na schlimmer  
 i d Badi chasch nümeh us Nichtschwimmer  
 S Hochwasser z Olte haltet alli uf Trab  
 nur der Stadtrat bastlet chli am nägste Budget-Grab



Es git e Spruch wo sich duet Reime  
 Dä heisst „am schönschte eschs Deheime“  
 Vor auem im Winter esch das ned esoh  
 Wenn du dinne im Warme chasch sitze  
 Doch für einisch esch das ned esoh  
 Wöu plötzlich d'Heizig nüm duet goh  
 Es wohne zwöi Familie e däm grosse Huus  
 Doch wöu's jetzt chaut esch rüeft dr Vater  
 Si Sohn seit nur sorry, är heig das ned wöue  
 Doch leider heig är s'Heizöl vergässe z'bstöue  
 (Yvan Grepper)

50 Jahr isch es här  
 und för die im Appezell ziemli schwär  
 Fascht überall gilt jetzt die Methode  
 20 Jahr spöter de doch au im Appezell Inner- und Usserhode  
 Zum Jubiläum vom Frauestimmrecht hed d Post extra la Briefmarke drucke  
 aber bitte nume hinde ane spucke

Am Geburtstag vo dr Kollegin esch si gsi  
 Natürlich hets dört no anderi Lüt derbi  
 Zu dere Party het si sogar es nöis Hemli a  
 Doch irgendöppis chläbt dört usse dra  
 S'esch d'Etikette mit dr Grössli dra wird ihre de gseit  
 Aber erscht wo aui hei gseh, dass s'Kurme Heidi XS treit





Füre Verein het är en Olympiade organisiert  
 Zwar sind Turner stark und voll durchtrainiert  
 Doch bi eire Disziplin duet ou das nüt bringe  
 Me soll en Teebütel durd Luft schwinge  
 Das Ganze wär jo gar nit so schwär  
 Wenn denn ou en Schnuer am Teebütel wär  
 Doch de Organisator isch die ohni Bändel go kaufe  
 De Päsü Meier duet drum nomol ins Coop laufe



Öb de Alki mitem Bier bi de Anonyme Alkoholiker duet sitze  
 Der Amis sich mit de Knarre am Gurt für Corona Massnageri Waffegsetz duet wärbe  
 De Ueli mitem Trichler T-Shirt für Konferenz bi gwohnt  
 Oder im Düütsche die ohni Fähigkeit nit vor Dummheite verschohnt  
 So blibt ou d'Klimakonferenz mit alli mitem Privatjet döj aflüüge  
 Es hend zwar viel wichtige Lüüt dere Konferenz bi gwohnt  
 Doch wenn scho nur alli mitem Privatjet döj aflüüge  
 Isch jo scho klar, dass sich alli nur wärde alüüge

D Frou het e tüüre nöie Steamer  
 Drom gönnt är sech jetz e Beamer  
 Doch das Scheiss-teil esch ned scharf  
 Do gets Reklamationsbedarf!  
 Är esch enddüscht – e Woche lang chli hässig  
 Verzöüts sim Sohn – dä löst s Problem ganz lässig  
 Es esch ar Bröue gläge – ond ned am Beamer  
**Andreas Meier** – you are a dreamer!



Ide Nacht het er Hunger becho  
 Drom en Worst in Ofe do  
 Wach ischer aber nit würlki gsi  
 Ond schloft scho bald ufem Sofa i  
 D'Wurst im Ofe het scho brennt  
 Während er ruhig ufem Sofa pennt  
 Zum Glück ischer no rechtzeitig wach  
 So blibt ömu am Phippu Flury sin Ranze flach



Of die souveräni Angela Merkel  
 esch bemne Hoor dr Laschet gfolgt, das pietätlose Ferkel.  
 D Wahl för sich entschede het denn aber dr Scholz  
 ond doch esch Dütschland ned wörklech stolz.  
 Vorem Scholz'sche Kompromiss  
 Het immerhin niemer Schiss.

Chimi Srist &  
 Barah Sachmann



Beni Gopfredstotz e Kiosk  
 Oder im ne Sprayers Wand  
 E schtoh do doch scho set Johre  
 Aber das, das esch e Schand  
 Uf das me Gopfredstotz dä Kiosk  
 Doch ned verschandle tuet  
 Du chöntsch es Betzli zögle  
 Di hernverbrönnti Muet  
 Ond de Gopfredstotz bim Kiosk  
 Da Platz es esch e Sönd  
 Wie do stöndig emmer weder  
 Sie fiire dönd wie Hönd  
 Drom schautet Gopfredstotz bim Kiosk  
 Es betzeli ii dr Grend  
 So get's de ou dä Kiosk  
 No för öisi liebe Chend  
 Die Schlocht ond ere Kiosk  
 Esch e Schatz wo mer do hei  
 Ond wenn der unbedingt möit wüete  
 De bliibet Gopfredstotz dehei



Letscht Nacht bin i mit dr Robin i Pfanne  
 Bim ufwache han i gsunge, mit no gamz rote Wange  
 I schänke dir mis Härz, me han i net  
 Du chasch es ha , we de wotsch  
 Es isch es guet's, ha mängi was würd nä doch Dir würd is gäh  
 Dr Robin het mer de gseit si sig es ES, kes DER oder DIE  
 Ha bis jetz gmeint sig hetero, jetz bin ich äue BI  
 Vor Johre han i d'Wält no voll verstande  
 Wo Gschlächter no us Männlein und Weiblein hei bestande

gäub... gäub...gäub, gäub isch mis tshirt  
 Gäub isch mis tshirt wöi i sünneli so mag  
 Grünen...grünen...grünen, grünen isch mis thsirt  
 Grünen isch mis tshirt wöu i de marco chieso so mag  
 Wies...wies...wies, wies isch mis tshirt, wies isch mis tshirt  
 Wies isch mis tshirt wöu i manne mit grosse glogge mag



Schlofe, Schlofe, Frässe,  
 e Morge zom vergässe.  
 Ond weder gohts a Fueterrog,  
 dr Nommitag e cheibe Bloog.  
 D'Red esch ned öppe vomne Hond,  
 sondern vom Homeoffice  
 ...esch das ächt gsond?





Vom Kebab bis id Circle Lounge Bar  
 Chasch locker übere laufe, isch jo klar  
 Sie döi de aber trotzdem Online us de Bar bstelle  
 Das isch aber nitmal das wo mer wei verzelle  
 Fuul, sind nämlich nit nur die Naare ide Bar  
 De Gang zFuess gseht ou de Hassan als Gfähr  
 Für die kurzi Lieferstrecki duet är de tatsächlech  
 Sis Outo näh und macht sich komplett lächerlech

Wolf, du hast das Schaf gestohlen  
 Gib's Nutztier wieder her  
 Gib's Nutztier wieder her  
 Sonst wird dich der Jäger holen mit dem Schiessgewehr  
 Sonst wird dich der Jäger holen mit dem Schiessgewehr  
 Jäger, du hast ein Pferd geschossen  
 Statt einer Wildsau  
 Statt einer Wildsau  
 Auch da ist Nutztier Blut geflossen – warst du etwas blau?  
 Auch da ist Nutztier Blut geflossen – warst du etwas blau?  
 Des andren Jägers lange Flinte  
 Schiesst auf etwas Schrot  
 Schiesst auf etwas Schrot

Ir Schlocht am ligang stoht es Huus  
 S'geht set Johre truurig us  
 E Hötte wo fasch implodiert  
 Wöu's schind's niemer intrressiert  
 Vilecht, do duet me hoffe  
 S'werdt mou vom Bletz de troffe  
 Odr s'chiem e grossi Fluett  
 Wo das Huus entsorge duet  
 Löse chöis ned Frohnerhänd  
 S'het secher Asbescht i dene Wänd  
 So muesch dim Härz es Schöppli gäh  
 Ond betz Gäud i d'fenger näh  
 Es muss doch ändlech öppis goh  
 So cha mers bi Gott doch nömme loh  
 Plätzlech einisch e Schödu flach  
 Hout tronder no e Adams Gate  
 Das Dorf so schön wie Adams Gate  
 Cha mettlerwile fasch nöm warte  
 Das ir Schlocht das aute Huus  
 Weder mol gesht ordtli uus

Dass sich färbt die rote Tinte – ein Lama ist jetzt tot!  
 Dass sich färbt die rote Tinte – ein Lama ist jetzt tot!  
 Liebe Jäger, lasst euch raten  
 Schiesst kein Nutztier mehr  
 Schiesst kein Nutztier mehr  
 Sonst seid ihr mit diesen Taten – Wölfe mit Gewehr.  
 Sonst seid ihr mit diesen Taten – Wölfe mit Gewehr.  
 Wolf, du hast ein Tier gestohlen  
 Gib's Pferdchen wieder her  
 Gib's Lama wieder her  
 Sonst wird dich der Jäger holen mit dem Schiessgewehr  
 Sonst wird dich der Jäger holen mit dem Schiessgewehr

Sie isch eini, die duet a tuusig Sache danke  
 Und so sich vo de eigne Gedanke ablänke  
 S'Handy duetsi nämlich ufem Autodach druffe lo  
 Während sie mit dem Auto fährt uf und dervo

Letscht Jahr esch d'Fasnacht gstorbe – oje, oje, oje  
 Letscht Jahr esch d'Fasnacht gstorbe – es duet nis höt no  
 weh.  
 Se wo so vou het gworbe – om Schnetzubänk on Bööge  
 Letscht Jahr esch d'Fasnacht gstorbe – es esch zom mööge.

Es geit nit lang, duet das Handy am Bode lande  
 Deheime acho het sie d'Wält nömme verstande  
 Zum Glück het sie de Ortigsdienst druffe aktiviert  
 Schnell isch das Handy am Bahnhof lokalisiert

Das Jahr gets weder Fasnacht – ole, ole, ole  
 [Anmerkung der Redaktion: Leider nein...]  
 Das Jahr gets weder Fasnacht – samt Gold-Söi judihe.  
 Zor Planig hets e Sitzig gä – vom Root-Rot met de Wirte  
 Se hei müese teilnä – als Corona Regu Hirte.

Vor Ort am Bahnhof heschs aber glich nit gfunde  
 Plötzlich isch de Sender ufe Chambersberg verschwunde  
 De Finder hets ufem Weg ufe Berg mitgno  
 Spät am Obig het sie denn ihres Handy wieder becho  
 Schime Senker

Doch statt im warme Säli – er Schlocht em erste Stock  
 Bruchts förd Sitzig Fäli – ond das wäg nor eim Pflock.  
 Ei Wirt het kes Zertifikat – doss frürts öis drom a Rössu  
 Wär esch ächt das Unikat? – dr Mirko vom Schlössu!





Corona, Corona,  
ou der Böög ergrüft d'Flocht!  
Statt z'Zöri brönn't är  
öber der Schölleneschlocht!



I de Ferie goh abchüehle im schöne Wasser  
Doch dodrbi wird är emmer wie blasser  
Bim schöne Schwomm ich im grosse Meer  
Sini Hosesäck haut ned si gsi leer  
Dr Outoschlössu esch no drenne gsi  
Dr Chaare nächär nomme zom ufgschplüsse gsi  
Vregu Chögeli der Rettungsschwimmer

Es Töffli muess häre för ab uf d Pischte  
Drzue brucht är natürl e Höüm zom fahre met dere Chischte  
Im Gäupark probiert är de e schöne us  
Doch leider chonnt är denne nömmе druus  
Chorz vor Ladeschloss dr Greng im Höüm esch gfangе  
Doch dr Verkäufer dr Elia Domass zom Glück ned hed lo hange

E die 2. Liga wott der FC Hägedorf  
Das findet eigentlich au niemer doof  
Am Schluss duet das de leider knapp misslinge  
Dr FC bindet wäge däm am Trainer au kei Schlinge  
Doch zwöi Anderi döi dr Trainer de extrem Agriffe  
Und säge ihm is Gsicht är sig e huere Pffife  
Do druf nimmt är grad nachem Spöu si Huet  
Bleuer Dinu und Graber Röschu, findet der das guet

Us Ersatz für d'Chilbi stelle si z'Olte uf es Rieserad  
Alli freue sech riesig ... hmmm... si gspannt und voll parat  
E chline Tip, ou mit dere Attraktion chasch nach dere Ersatz-Chilbi e sturmi Biere ha  
Issisch d' Wurscht dehei, und sufsch dr derbi es chlises Rüschi a  
Mit däm Gäld wo so sparsch chasch dr jetz 20 Karte fürs Rieserad choufe  
Wenn de Maa (oder Frou 😊) a dr Kasse no chli schmirsch, lö si sa Rädli 10 mol schneller lo loufe

Quer dure Vogubärg dr ganz Verkehr tuet fahre.  
Wöu dr Kanton ber Strossesaniereg ned tuet spaare.  
Sogar dr Bus chonnt plötzlech do derhär.  
Ufem Trotwar loufe esch fängs schwär.  
Us däm Grund tuet Bouverwaltig in Eigereschiee churzerhand  
Ohni rächtlechi Grundlag nigunagu nöii Schilder montiert.  
Dr Amme jo scho lang das Temporeschim propagiert.  
Durs Hindertöörli dä 30er doch no iifüehre?  
Schad wenn me so schlächt cha verlüüre...

D Gungeprob esch verbi  
Si göh is Hirschli zom nochli zäme si  
Doch leider chöne ned aui ine goh chille  
Ond müese de haut deheime no es Bierli kille  
Wöu s Connie dr Code vom Handy nömmе weiss  
Chäs s Zertifikat ned zeige es esch e scheiss

Vom Usgang chonnsch hei. S'esch weder loschtig gsi.  
Do merksch, mer hei beidi ke Schlössu derbi.  
Do nötz ke rote Greng ond ou Schädе derby.  
Dors Chäuerfäischer brecht dr Renato y.  
Är macht chly Krach ond luege ond Huus.  
D'Astrid cha nömmе luege ond Huus.  
Si got drom de plötzlech nömmе druus.  
I der Stobe merkt si, jetz beni jo denn!  
D'Astrid cha nömmе luege ond Huus.  
Si got drom de plötzlech nömmе druus.  
I der Stobe merkt si, jetz beni jo denn!  
D'Astrid cha nömmе luege ond Huus.  
Si got drom de plötzlech nömmе druus.  
I der Stobe merkt si, jetz beni jo denn!

Chas s Zertifikat ned zeige es esch e scheiss  
Wöu s Connie dr Code vom Handy nömmе weiss  
Doch leider chöne ned aui ine goh chille  
Si göh is Hirschli zom nochli zäme si  
D Gungeprob esch verbi



# Diese Seite wird Ihnen präsentiert von:



Noch 37 Jahr het är d'Primarschuel no gschafft  
Ändlich jedi Variante vom 1X1 grafft  
Nach so viel Jahr wird en grossi Fiir ufd Bei gestellt  
Und vo de Gschichte vom Werner Bolliger verzellt

Eini het kei Tag länger uf dä Event chönne warte  
Im Handgepäck als Gschänk en schöni Abschiedskarte  
So lauft sie ufe rooti Platz zum abgmaachte Apero  
D'Maja Christ duet denn aber e ganzi Woche zfrüh dörte stoh

I dr Raiffise-Arena findet e 90er Party statt  
Veli Mensche finde das au schampar glatt  
Mr spricht sich ab und organisiert  
Wär mit wäm dört he marschieret  
Bim Ablaufe wird gschneideret und glachtet  
Bis es vorem Chreibüehl de krachtet  
Was esch do los was esch ächt gscheh  
Und duet ächt öpperem jetzt öppis weh  
Es Strosseschild gseht me de gschwind  
E das lauft Nadine Gehrig mitem Grind

Das es de Lehrer eifacher duet go  
Düe si all Jahr öbe s'gliiche im Stundeplan lo stoh  
Vo dem het d'Schlange im Terarium langsam gnue  
Scho Jahre lang lost sie dene Wiederholige zue

Wo de Lehrer einisch s'Töörli nit duet schliesse  
Duet d'Schlange endlich ihri Freiheit gniesse  
Schlicht dervo, ide hoffnig uf nöii Schuelstunde  
Rasch hetsi es nöiis Schuelzimmer gfunde

Am Morge isch im Schuelhuus d'Panik usbroche  
Niemert weiss wo d'Schlange isch he kroche  
En Schüeler duet de d'Schlange endlich wieder finde  
Dr Schlangepapi  
Pflominik Dueger



Müed chöme d'Schüeler vo de Schuel hei  
Sogar Muskelkater hends i de Bei  
Das nur wäge de blöde Elektroplanig  
Die Architekete hend scho gar kei Ahnig  
I eim Zimmer heiges en Liechtschalter vergässe  
Sälber ufstoh wär füre Lehrer aber zvermässe  
Drum müesse d'Schüeler immer an Schalter loufe  
Derfür hätte am Lehrer sini Arbeitgspänli jo gholfe  
Johrelang hend sie ihm gseit  
Dass grad bim Pult en Schalter steit  
Eine hets erst nach Johre endlich verstande  
Am Dome PFLUEGER isch jetz ou s'Liecht ufgange



Bim Elteregespräch isch sie abundan mal derbi  
D'Sozialarbeiterin bringt Ruehi und Klarheit dri  
Doch einisch duet ihre das gar nit glinge  
Wöu sie plötzlich mit Elementarkräfte mues ringe

Grad wos um die heikle Theme isch gange  
Het sie wohl gar heissi SMS empfangen  
Dass dorom grad ihres Handy duet in Flamme stoh  
S'ganze Handtäschli hets Füür übernoh

Wös s'Wasser usem Lavabo ou nüt duet nütze  
Duet sie s'Fenster uf und s'Handy usestürze  
Leider wärdemer so nur nie meh erfahre  
Weli Texte am Handy vo de Anja Bergk so sind igfahre



# OpenAir Fasnacht auf dem Dorfplatz Hägedorf

Donnschtig, 24. Februar

Barbetrieb  
13:19 bis 20:19 Uhr

Auftritt Guggenmusik  
13:19 Uhr und 19:30 Uhr

Freitag, 25. Februar

Barbetrieb  
13:19 bis 23:19 Uhr

Samschtig, 26. Februar

Barbetrieb  
13:19 bis 23:19 Uhr

Auftritt Guggenmusik  
19:30 Uhr

DRINKS

SNACKS

SOUNDS



SCHUMPF-ZUNFT

